



## Universitätsbibliothek Paderborn

**Elogia Societatis Iesu Sive Propvgnacvlvm: Pontificum,  
Conciliorum, Cardinalium, Antistitutum, nec non  
Imperatorum, Regum, Principum & aliorum Virtute,  
Religione, omniq[ue] Literatura illustrium (etiam ...**

**Gomez, Cristobal**

**Antverpiæ, 1681**

Iaponiæ.

**urn:nbn:de:hbz:466:1-38486**

# A R E G I B V S

## I A P O N I A E.

17. **A** FRANCISCO Rege Bungi ad Bonciorum quemdam petentiem, ut ipse Nostros à Regni sui finibus amandaret, sic scribente. Annus (inquit) circiter quartus decimus agitur, cum id hominum genus magno vtique meo bono delatum est in hæc loca. Tribus ante præeram Regnis, nunc quinque possideo: pecuniæ ante laborabam inopia, nunc Iaponiæ Reges omnes diuitijs supero: vnde ad populares quoque meos vtilitas pertinet: cum antea filium suscepisse nullum, iam virili stirpe magna mea voluptate auctus sum. Denique omnia mihi ex eorum hospitio prospera accidere. Commemorate vos, si potestis, Religionis vestræ defensio, ecquid vnam mihi crearit commoditatis: proinde cauete in postrum hunc ad me sermonem. Ita Par. 2. Hist. Soc. lib. 8. num. 188.

AB EODEM Literis ad Pontificem Gregor. XIII. per Mancium Legatum è Regio sanguine iuuenem sacros pedes deosculante. Dominus (inquit) cæli, terræque, cuius imperium super Solem, Lunam, & Stellas ignorantí mihi, & profundis immerso tenebris, claritatis suæ lumen iussit splendescere, ac Nostratibus præcipue populis reserans arcam suæ misericordiæ, atque gemmarum, dignatus est ante annos amplius quatuor & tringinta destinare ad Iaponiæ Regna Patres è Societate IESV, quorum è salutari ac diuina semente, non nihil in meum quoque Dei benignitate cecidit pectus. Quod tam insigne beneficium, aliaque multa, ô Sanctissime, totius Christiani populi Parens, vestræ potissimum precationi, meritisque accepta equidem refero, &c. Ita refertur apud Petrum Mattheum in Summa Constit. Rom. Pontif. fol. mibi 843.

Societas  
quam vtilis Regno  
Iaponia.

Ss 2

A B

Defendi-  
tur à Bun-  
genſi Rege. AB EODEM: *Qui tanquam arx firmissima alte fundata in pe-  
tra, nihil nec ventorum impetu, neque imbrium tempeſtate commo-  
uebatur: qui tametſi Regni gubernacula dudum posuerat, grauiſſi-  
mas tamen literas ad totius Regni proceres dedit, yetans quicquam  
moliri aduersus Patres Societatis: Se enim eſſe Christia-  
num, & in ea Religionē moriturum: nec prius quidpiam  
aduersus eos, quam contra ſe tentatueros. Ita Par. 4. Hist. Soc.  
lib. 7. num. 337.*

Commen-  
datur Pon-  
tifici ab  
Ariminen-  
ſi. 18. A PROTASIO Ariminensi Rege literis ad eundem Ponti-  
ficem Greg. XIII. per Michaelm Legatum egregia indole, prouiden-  
tia, & probitate iuuenem. Denique (ait inter alia) in profundo  
Gentilium tenebrarum iacenti mihi dignatus eſt Pater mi-  
ricordiatum, lucem veritatis, & rectum ad ſalutem iter oſten-  
dere per Venerabilem Visitatorem, aliosque verbi Dei Præ-  
dicatores ē Societate IESV, qui enixè me, meosque diuinæ  
gratiæ rorem ē Cælo deuocarunt. Pro quo tali, ac tanto be-  
neſicio mire latus infinitas Regi cælorum ago gratias, &c.  
Ita apud Petrum Matthæum citat. in Summa Conſtit. Rom. Pontif.  
fol. 844.

It. ab Omu-  
zando. 19. A BARTHOLOMÆO Omuranorum Rege ad eundem  
Pontificem per Legatum eundem ſcribente: Nuper in hæc tam  
remota loca luſtranda P. Visitator ē Societate IESV conten-  
dit, multisque rebus pie, laudabiliter institutis, iam nunc  
redit in patriam, quā Ego tam præclara occaſione inuitatus  
deſſe nolui, quin fratriſ mei filium D. Michaelm cum co-  
mitterem iſthuc, qui licet muneri tanto ſit impar, tamen  
gratiſſimum fuerit mihi, ſi eum veſtra Sanctitas, ad beatō-  
rum pedum oſcula admilerit, &c. Sic Ibidem fol. 844.

Missa mori-  
turi oratio  
ad filios. AB EODEM: *Qui ubi ſe morti iam proximum ſenſit, Sancium  
Primogenitum, cum ceteris liberis, his supremis verbis inter alia  
multa, affatus eſt; Quartus & viceſimus hic annus agitur, ex  
quo à P. Coſma Turriano Christi fidem, & baptismum ac-  
cepit. Christianum in meis terris nullum reperi cum inirem  
Principatum, nunc in ijs nullum, quod ſciam, Ethnicum  
relin-*

relinquo, &c. Et postquam filii sorores, ac Matrem commendasset, Quia illis  
commendat  
Societatem,  
addidit: Patres Societatis adhibete semper ad omnia confilia  
vestiarum rerum, eorumque singulis, ut mihi obtemperate.  
Hæc ultima Patris vestri mandata sunt, &c. Ita refertur Par.

§. Hist. Soc. Tom. 1. lib. 7. n. 152.

20. \* AB OMVRANDONO Omurenſi etiam Rege ad Societatis Prouincialem ſic ſcribente: Ego (inquit) quid Dei lex iubeat ignoro, multum tamen defidero Patres Societatis in hac parte cautos procedere, ex illis ſiquidem bonum, & conſeruatio totius Iaponiæ pendet: ne magis Xogum irritetur, crescat persecutio, omnesque deſtruantur. Reliqua in altera ſcribam. Ita in Hist. Perſecut. Iapon pér P. Moreſon cap. 16.

§. 2.

21. A CANGOXIMANO Regulo literis ad Prouincialem Societatis, quibus aliquem ex eadem Societate verbis ſequentibus admodumque honorifici ille expofulat. Duo (inquit) ſocij veniunt meum in Regnum, atque ut eorum animus excelsus eſt, ipsique potentes ſermone, ac doctrina. Ego eos quaſi cæli tonitrua reor. Illud autem in ijs proſuſ admiror, quod huc tam è longinquō veniant, quia prout accepi de nauigationibus Lufitanorum ad has oras, ipſamet luna ſunt; ita circum-eunt mundum. Antequam hic eſſent Christiani, erat hæc regio caſſa bonitate, omniaque torrida æſtu, nunc autem vi-dentur ipſi flabellum, quod refrigeret hominum corda. Hoc Regnum tametsi puſillum eſt, debent tamen Patres Nangangi alacriter venire ad illud. Quod ſi forte alijs in Regnis inueniunt mare decreſcens, hoc in Regno ſemper eſt plenum. Christiani quoad Patrum aliquo potiantur, conſolantur ſe Cruce, quam erexere, tanquam ſi illi ad'eſſent. Ego existimo, quod Regnum hoc meum careat Patribus perinde eſſe atque Cælum obductum nubibus, vel ſol defectionem patiens, & lumine ſpoliatuſ. Ita Par. 2. Hist. Soc. l. 6. n. 183.

22. A IOANNE VTAYO Bungensi Rege, qui non minoris faciebat Societatem, quando ſociorum in terras suas aduentui

Ab Ea ro-tiuſ Iapo-nice bo-num, & conſeruatio-pendet.

Flabellum  
refrigerans  
hominum  
corda.

Ijs Orion-  
tem carere,  
eſt So-  
lis lumi-  
ne ſpoliatuſ.

acceptam, referre se prosperitatem, ac propagationem Regni, & thori sui adhuc sterilis, fidenter, & sepe professus est. Itain  
Imag. 1. sec. Soc. l. 5. c. 9. f. 658.

Eorum iniurias proprias ducebat Sebastianus Rex.

23. A SEBASTIANO Bungensi etiam Rege Sebastiani Bungi Regis filio: qui Capralem nostrum morti se ac suos paratos offerentem benignissimis brachijs excepit, & inter multa hisce verbis amore, ac honore plenis dicendi clausulam conclusit. In summa bono este animo: Nam si quæ in alienis Prouincij contra vestros sunt iniuriæ, pro meis duco. Vos, quos complexos finu teneo, profecto nemo priusquam me lædet. Sic Par. 4. Hist. Soc. lib. 5. n. 240.

## A R E G I B V S S I N A R V M.

Et Sinensis ad Regni gubernacula vult ad mouere.

24. A REGE Potentissimo, qui (ut nouissimis ex Oriente litteris præscribitur) religiosissimis iuxta ac sapientissimis nostrorum hominum moribus deletabatur; & ita apud annum suum statuerat de ijs, ut regendis eos sui vice Regnis, Prouincijque vastissimis admouendos esse decerneret. Quam quidem principem inter Sinenses Proceres dignitatem cum intellexit à nobis modestè reiici, versa in maiorem tantæ virtutis admirationem veneratione, socios plus etiam quam ante sibi commendatos, & charos fundo extruendis in Urbe Regia Sacris ac religiosis edibus imperiuit. Ita apud Imag. 1. sec. Soc. l. 2. c. 6. f. 223.

Regis fauor erga socios.

His adde, quæ scribit P. Nicolaus Trigauius de Christiana expeditione apud Sinas l. 6. c. 13. fol. mihi 405. Nostri à rituum Magistratibus comprehensi in arcem legatorum retrusi erant: quod ut Regi constitut, dixisse fertur: Quorum hos homines oportuit comprehendendi, an fortassis latrones habentur? Eximius hic fauor Regis erga socios fuit: & pro singulari gratia ab omnibus habitus. Cui Regis alia benevolentia singularis accessit: quæ sic à citato Trigauio cap. 14.